

interiore appresse pilosa; flores pallide rosei (in sicco), involucro duplo longiores; corolla 20—22 mm lg., ligula 2.5—3 mm lt., tubo 6—7 mm lg., pilis raris minimis conicis pubescente; rami styli flavi; achenia immatura; pappus 8—10 mm lg., albus. Fl. VII.

Habitat in schistosis in regione alpina Transcaucasiae orientalis (mons Kjapaz).

Typus: Azerbaidzhania, olim prov. Elisabetpolis (nunc Kirovabad), mons Kjapaz, declivitas australis, 9000—10000 ped. s. m., 13 VII 1909, fl., A. Schelkownikow; in Herb. Inst. Bot. Ac. Sc. in URSS in Leningrad conservatur.

Affinitas. A proxima *C. Willdenowii* Czer. floribus pallide roseis majoribus, foliis supra griseolo-viridibus parce pubescentibus, foliorum segmentis margine pilis haud densis rigidiusculis setaceis praeditis differt.

123. *C. Karelinii* M. Pop. et Schischk. ex Czer. sp. n. (sect. *Ixeridopsis* Babc.). — *C. nana* var. *laxa* Kryl. Фл. Алт. III (1904) 763 и Фл. Зап. Сиб. XI, 3044. — *C. pygmaea* auct. p. p. non L.: Б Федч. Раст. Турк. (1915) 765. — *C. nana* ssp. *typica* Babc. in Univ. Calif. Publ. Bot. 22 (1947) 540 p. min. p. (The Genus *Crepis*, 2). — *Youngia pygmaea* γ. *dentata* Ldb. Fl. Ross. II, 2 (1846) 838; О. и Б. Федч. Переч. раст. Турк. IV, 350, pro var. — *Y. pygmaea* var. *flaccida* auct. non Ldb.: О. и Б. Федч. цит. соч. (1911) 350. — *Y. pygmaea* var. *lyrata* auct. non Ldb.: О. и Б. Федч. цит. соч. (1911) 350. — *Y. pygmaea* var. *caulescens* Rupr. in Osten-Sacken et Rupr. Sert. tiansch. (1869) 59; О. и Б. Федч. цит. соч. 350. — *Y. pygmaea* auct. non Ldb.: Ковалевская во Фл. Узб. VI (1962) 498, excl. syn.

Planta glabra, glaucescens; radix elongata, tenuis, verticalis, apice in rhizoma breve, 1.5—4 mm lt., verticale, ramosum, rarius simplex, lignosum abiens; caules non numerosi, 4—10 cm alt., rotundi, striati, haud fistulosi, a medio vel fere a basi ramosi, ramis tenuibus, foliati; folia radicalia et inferiora caulina 2—4 cm lg. (cum petiolo) et 0.5—1.5(2) cm lt., oblanceolata, elliptica vel oblongo-oblanceolata (raro obovata), apice acutiuscula vel obtusa, remote denticulata, irregulariter sinuato-dentata, lyrato-vel pinnatilobata, interdum subpinnatifida vel integerrima, vulgo in petiolum tenuem, laminae aequilongum, ea subbreviorem, rarius longiorem sensim attenuata, media caulina 1.5—5 cm lg., radicalibus et inferioribus caulinis similia vel ut superiora caulina anguste oblanceolata vel lineari-lanceolata, apice acuta vel acutiuscula, integerrima, breviter petiolata vel sessilia. Calathidia 9—10-flora, pedunculata, pedunculis tenuibus subcurvatis 0.5—2.5 cm lg., in inflorescentiam corymbiformem laxam aggregata; involucrum cylindraco-campanulatum, 8(10)—13 mm lg. et 3—4 mm lt. (tempore florendi); involucri phylla exteriora in numero 4—5, inaequilonga, ovata vel ovato-lanceolata, acuta, non membranaceo-marginata, interioribus 5—8-plo breviora, interiora in numero 8, aequilonga, lineari-oblonga, acutiuscula, membranaceo-marginata (intima), subcarinata, non corniculata, apice crispe pilosa, facie interiore glabra; receptaculum glabrum; flores flavi, interdum praecociter pallide erubescens, involucro 1.5-plo longiores; corolla 11—14 mm lg., ligula ad 2(2.5) mm lt., tubo

3.5—4 mm lg., glabro vel pilis brevissimis conicis parce tecto; rami styli flavi; achenia uniformia, flavida, 4.5—8 mm lg. et ca. 0.5 mm lt., fusiformia, superne subangustata vel brevissime rostriformia, apice subdilatata, costulata, costulis in numero 10 rotundatis acute scabris (sub lente!); pappus (6)7—9 mm lg., albus, non deciduus. Fl. VII—VIII.

Habitat in morenis et glareosis fluvialibus in alpinis.

Typus: Kasachstania, Alatau Transiliensis, flumen Czilik, in glareosis Togustau, 21 VIII 1934, fr., M. Popov; in Herb. Inst. Bot. Ac. Sc. URSS in Leningrad conservatur.

Affinitas. Nostra species nova *C. nanae* Richardson et *C. alaicae* Krasch. affinis est, sed a prima caulibus inferne laxius foliatis, foliis in petiolum brevioribus sensim attenuatis, inflorescentia laxa, involucris et floribus majoribus, involucri phyllis exterioribus latioribus et pappo longiore, a secunda caulibus tenuioribus, foliorum forma et divisione, petiolis longioribus et angustioribus et pappo longiore differt.

124. *C. caucasigena* Czer. sp. n. (sect. *Intybellioides* Froel.).

Planta perennis, rhizomate brevi obliquo, radicibus numerosis tenuibus praedito; caulis 40—70 cm alt., sat crassus vel subtenuis, erectus, costato-sulcatus, cavitatus, apice breviter ramosus, non foliatus, raro supra medium folio caulino uno valde diminuto lineari instructus, ut folia pilis plus minusve densis vel sparsis (praecipue folia) brevissimis albidis eglandulosis squarrosis subcurvatis vel subcrispatis rigidiusculis pubescens, superne breviter glanduloso-pilosus; folia omnia radicalia, 6—20(25) cm lg. (cum petiolo) et 1.5—4 cm lt., tenuia, oblongo-ovata, saepius oblongo-oblancoolata vel suboblongata, raro partim oblanceolata (tum acuta vel breviter acuminata), apice vulgo obtusa, margine inconspicue denticulata vel subsinuato-dentata, denticulis remotis obtusis, interdum integerrima, petiolata, petiolis brevibus alatis. Calathidia inflorescentiam racemosam vel racemoso-paniculatam formantia, breviter pedunculata, pedunculis gracilibus, pilis plus minusve numerosis brevissimis brunneolis glandulosis rigidiusculis tectis, sublanatis; involucrium breviter cylindraceum, (9)10—12 mm lg. et 3.5—5(6) mm lt.; involucri phylla extus breviter glanduloso-pilosiuscula, atro-virentia, facie interiore glabra, exteriora in numero 8—10, imbricata, appressa, inaequilonga, oblongo-lanceolata vulgo obtusiuscula, margine ciliatula, non marginata, interioribus triplo breviora, interiora in numero 11—13, aequilonga, lineari-lanceolata, acutiuscula vel acuta, integerrima, anguste membranaceo-marginata, apice albo-ciliata, fructificatione dorso anguste carinata, basi vix incrassata et indurata; receptaculum punctatum, glabrum; flores lucide flavi, involucrio sublongiores; florum corolla 12—15 mm lg., ligula ad 2.5 mm lt., tubo 3—4 mm lg., pilis plus minusve longis hyalinis tenuibus dense pubescente; rami styli flavi; achenia uniformia, brunnea, 5—6 mm lg. et 0.5—0.7 mm lt., teretiuscula, fusiformia, recta vel subcurvata, costulata, costulis in numero 20 angustis rotundatis sublaevibus; pappus 5.5—6 mm lg., albus. Fl. VI—VII.

Habitat in pratis subalpinis et pinetis in regione superiore montana Ciscaucasiae (praecipue Caucasi centralis) et Daghestaniae.